



Broj: 13-04/2-04-5587-23/22  
Sarajevo, 23.03.2022. godine

**SKUPŠTINA KANTONA SARAJEVO**  
Služba za skupštinske poslove Skupštine Kantona Sarajevo  
- OVDJE -

**Predmet: Odgovor na zastupničko pitanje, dostavlja se**

Zastupničko pitanje zastupnice Jasmine Bišćević Tokić postavljeno na nastavku 48. Radne sjednice Skupštine Kantona Sarajevo, održanom dana 22.02.2022. godine, u okviru tačke Dnevnog reda "Poslanička/zastupnička pitanja, inicijative i odgovori" i dostavljeno aktom Skupštine Kantona Sarajevo broj: 01-04-5587-23/22 od 24.02.2022. godine glasi:

"Da li je tačna informacija da je Upravni odbor JU Službe za zapošljavanje u prvom konkursu za izbor direktora predložio Tomislava Martinovića i poslao na saglasnost resornom Ministarstvu, ali ministrica Ivana Prvulović je vratila dokumente i nije htjela dati saglasnost. Zatim UO službe za zapošljavanje poništava konkurs. Molim da mi se dostave informacije na osnovu čega je poništen prvi konkurs za izbor direktora?"

Dalje UO JU Službe za zapošljavanje opet raspisuje konkurs i opet predlaže Tomislava Martinovića za direktora. Tražim da mi se dostave sve Odluke upravnog odbora JU Službe za zapošljavanje KS o izboru direktora, a zatim i Odluke o poništenju javnog oglasa za poziciju direktora."

Na navedeno pitanje, iz djelokruga ovog ministarstva dajemo sljedeći odgovor:

U pogledu pitanja da li je istina da je Upravni odbor Javne ustanove "Služba za zapošljavanje Kantona Sarajevo" Sarajevo (u daljem tekstu: Služba) u prvobitno raspisanom konkursu za izbor i imenovanje direktora Službe za direktora predložio Tomislava Martinovića, obavještavamo Vas da je Upravni odbor Službe zaista dostavio resornom ministarstvu odluku broj: 09/1-2204-UO/21 od 18.10.2021. godine, kojom se za direktora Službe nakon provedene procedure imenuje kandidat Tomislav Martinović. Međutim, podsjećamo da je Pravilnikom o proceduri izbora i imenovanja direktora Javne ustanove "Služba za zapošljavanje Kantona Sarajevo" Sarajevo ("Službene novine Kantona Sarajevo", br. 25/13, 47/18 i 29/20) jasno propisano u članu 15. da nakon što Upravni odbor utvrdi da najbolje rangirani kandidat ispunjava sve uslove konkursa, Odluka o imenovanju direktora Službe dostavlja se Vladi Kantona Sarajevo putem resornog ministarstva.

Time je jasno da je nadležnost ovog ministarstva propisana samo kada je u pitanju dužnost **prosljeđivanja** Odluke Upravnog odbora o imenovanju direktora Vladi Kantona Sarajevo na nadležno odlučivanje, te Ministarstvo stoga nije moglo poništiti Odluku o izboru i imenovanju direktora, niti naložiti ponovno provođenje konkursne procedure.



U vezi sa ostalim pitanjima, u prilogu dostavljamo dopis Službe broj: 01/01-34-0356-1/22 od 17.03.2022. godine, koji je upućen kao odgovor na ovo zastupničko pitanje.

S poštovanjem,

Prilog: 2

Pripremio: Eldin Šarić, stručni savje

Kontrolisao: Zoran Timarac, šef Odj



Dostaviti:

1. Naslovu,
2. a/a.



Adresa: Reisa Džemaludina Čauševića 1, 71 000 Sarajevo  
Tel: + 387(0)33 562-089, Fax: + 387(0)33 562-090  
Web: <http://mrsri.ks.gov.ba>, E-mail: [mrsri@mrsri.ks.gov.ba](mailto:mrsri@mrsri.ks.gov.ba)

2/2